

第五十七冊

卷九十四

金石考_{十四}

卷九十五

金石考_{十五}

新纂雲南通志

盧漢題

纂



卷五十七

七

七

七

七

新纂雲南通志

盧

廣

題



新纂雲南通志卷九十四目錄

金石考十四

後期三

元

創建妙湛寺碑記

創建金砂山寶嚴寺記

中慶路學禮樂記

啟建華亭山大圓覺禪寺碑文

重修大勝寺碑銘

并序

至正銅簠

建立華嚴寺碑記

地藏菩薩經碑

盤龍山蓮峯祖師誓願碑

大靈廟記

至正橋記

元宣慰副使止庵王公墓誌銘

景善殘碑

玉案祖師雪菴塔銘

玉井亭記

中慶路增置學田記

清河郡釋明護墓誌銘

開山祖師舍利寶塔並行業記

都元帥府修文廟碑記

重修五華寺記

重修中慶路廟學記

段信苴寶立常住記

大盤龍庵大覺禪師寶雲塔銘

盤龍菴諸人捨施常住記

重建陽派興寶寺續置常住記

文殊奴神識經幢

石將軍始建祠廟碑

新纂雲南通志卷九十四

金石考十四

後期三元

創建妙湛寺碑記

高四尺五寸廣二尺五寸分四列每列十九行行十三字行書今在昆明官渡妙湛寺

昆陽長松山普照寺沙門雲峯普祥撰并書丹

滇城之巽隅二十里有郭曰蝸洞西北瞰碧雞金馬煙波秀瀟雲水
杳靄東南矚琅藏寶江環注諸滇林壑呀注田疇豐饌宅民素樸尤
篤於浮圖氏樂乎漁樵藝植茂林修竹之趣鄉士大夫游賞纜船於
渡頭吟嘯自若陶陶而忘反命之曰官渡故有停舟之賦迺古拓東
演習高侯之苗裔生世攸乂之所也城有軌範僧姓楊名慶老莅衆

倜儻事不齷齪業擅於瑜伽顯密德伏於獐龍猛虎召門弟子曰生
寄蜉蝣命若朝菌穀穿雀飛將爲噬臍矣吾欲崇修梵刹寅昏嵩呼
皇元無疆之壽撫毓黔庶之德不亦偉乎僉避席曰雖不敏請事斯
語矣遂罄奩貲裒工於至元庚寅即於郭外江北潯鼎新梵宇額曰
妙湛肇構虛閣曰妙德次建大殿曰總持肖能仁寂默慶喜飲光菩
薩應真崇其中又蓋麗譙以安業簾深省聞聞落成於元眞改元奐
宏儷極一時之勝慨後緣基址沮洳罔克以壽慶之嫡孫曰宗曰中
曰善曰福塞淵一心聿修厥德諗于蒸曰瞻此招提抑不肖禰之所
淑也閱三紀有餘載將湮汨於汜濫擬移建城中艮陬塹之地不
顯祖考之業伏企仁者助成庸情於是旄倪翕然一諾百堵咸興重
新泰定丙寅成於明年有李興賢者偕其子生陵二昆季卽寺昧谷

別敞紺殿像設毘廬其庭殖其楹覺其正噲其冥噦渠渠於仍舊寘
以膏腴田畝刻於碑陰用圖不朽慨虛其席鬱陶如也公議曰耆德
諱正號方山者受業於法定寺住持覺海圓師戒珠鶴白意地砥平
仍法門柱礎者也確請而尸之寔翫齒寒之弊自是民於農隙爰諏
爰度求福不回湖海龍象雪笠雲袍磅礴結轍焉元統二年冬方山
謁予昆陽之長松語以厥績靡監需文以志權輿予曰懋哉莫莫葛
藟施于條枚其是之謂乎妙湛總持不動尊斯楞嚴之矜喉也妙湛
則法身罔爲總持乃般若端嚴不動緊解解赴感百川一月三德一
伊心境轆轤如寶絲網俾夫見者聞者本有之善油然而作殞舜若
多性發激澥之漚薦爍迦羅心方金剛之固不勞肯緊孰賢於此哉
矧夫曆間罹蕭牆之舛靡有子遺獨茲刹幢巍然而免回祿者蓋神

之祐願之力焉故云三天彌□而行業湛法者信□□□□蓋□□銘
曰金輪統□海冥□□恩沾萬國齊家澤天□皇元混一寰宇綏厥
黎民德□仁煦世雄不作作必□□道無隆替弘之由人刹種口側
乃淨乃觸或嬰六極有享五福妙湛儼然總持日嚴冉冉緇雲因珠
出潛繩繩迨今□範祇肅佛祖願輪□□□□南山其松載蒼載穹
不基茂績與之無窮皆元統三年正月念三日本寺功德主阿佐梨
楊慶僧官文僧官情僧官眞楊中楊宗楊善楊福重建功德李興賢
李陵生開山第一代住持方山正禪師

按此碑原刻已佚清嘉慶十一年丙寅呈貢文鴻書重刻惟以
恩字皇元字俱擡起一字觀之則當依原行款重摩者惟如元
貞改作元眞則因清諱也妙湛寺創建於至元二十七年落成

於元貞元年閏三十年復建於泰定元年成於次年然景泰雲南志李元陽雲南通志並不載光緒昆明縣志卷四曰官渡妙湛寺規模宏敞元所建也當據此碑爲說李元陽雲南通志卷二曰昆明縣元初置二千戶所改置善州領昆明官渡二縣後州廢縣存尋又併官渡入焉清一統志善州之立於至元十三年又據元史地理志善州廢於至元二十一年官渡併入昆明亦疑在是時碑稱妙湛寺初在郭外後移建城中則築有縣城今已廢也至治三年富民靈芝寺碑爲普祥書至元四年晉寧寶嚴寺碑記亦普祥撰又景泰雲南志卷一曰普照寺在昆陽州治西五里建置於元之延祐七年疑普祥爲普照寺開山祖惟事跡不詳

創建金砂山寶嚴寺記

高五尺廣二尺二寸十六行行四
十三字正書今在晉寧縣金砂寺

滇水圓照沙門雲峯普祥撰

威楚雲遊僧香山覺慧書丹

滇城之南百里有郡曰晉寧迺古青侯之苗裔州牧高慶攸父之所
州之西五里許有邑曰初諾田疇豐穰宅民素樸尤篤於浮圖氏有
山曰金砂跨空矗雲林麓鍾秀滇滔浩渺煙木杳靄陟於椒名山大
剎一目可得至大辛亥間有滿月寺定山安長者丰姿閑暇襟度
恕亮無厲聲愠色忘身爲瀆行化迨彼稔於蒸民曰擬欲於是樹幢
刹待方袍續慧命寅昏庭燎嵩呼皇元無疆之壽撫育元元不亦偉
康旄倪葵傾懽聲雷震誠意中孚擲金菟材裒工巨庀厥役權輿於

皇慶壬子投茲山墮境之地芟榛鑿石甫敞紺殿落成於明年肖無
量壽菩薩應眞崇厥中丹牖轆轤絢如也靈山一峯儼如也廊無庖
向舉葳額曰寶嚴蓋施極樂之境爲栖神之所也寅以膏腴田畝鑄
于珉陰永圖不腐延祐丁巳安之上足諱勝別稱慈海者業檀五周
冰潔三聚緇門之炙轢者也確延而主其席飛錫雲臻放梵與溟濤
相抑揚迄今繩繩不墜代不乏人至元戊寅安偕慈海謁予圓照需
文庸識懋績予曰大雄氏之垂範也立十科以助敷化師三處開山
金砂乃其一也岌巖飛雲下映江浦虛徐圓音遐徹穹壤醉夢省於
業簾塗炭輾於法輪拯利咸熙功勛實魁第其科矣何用文爲然
則虎豹之鞞猶犬羊之鞞與予無以加對乃書其梗概以紀諸岅至
元戊寅良月望日

按景泰雲南志卷一金砂山去晉寧州之西五里產砂石其色
若金因以名山李元陽雲南通志卷十三金砂寺在晉寧州金
砂山元時建即寶嚴寺也近年雲南建設廳出版之雲南分縣
地圖晉寧城西有金山寺不識即金砂寺否碑稱晉寧乃古青
侯之苗裔州牧高慶攸父之所按景泰雲南志卷一曰大理國
高智昇爲鄯闡演習號青侯則青侯爲清侯之誤又姚州高氏
世譜高智昇孫祥明爲鄯闡侯次子明智智傳六世至情受任
晉寧州知州遞八世孫阿義襲之則高情受爲高智昇九世孫
姚安土官高政均即與同輩政均字均明以天歷戊辰入朝華
亭山圓覺寺碑亦稱高均明以後至元五年禮玄峰禪師故疑
高慶與君明爲同輩即情受之子而阿義即慶之子蓋傳至阿

義而元亡高氏世守晉寧亦隨祚終故土官底簿已無晉寧土
州也滿月寺定山安長老者見於滇釋記曰定山和尚不識何
許人大德間卓錫崇寶山疑滿月寺在崇寶山崇寶在昆明玉
案山北定山初居崇寶至大四年始至金沙山次年建寺惟滇
釋記未詳焉徐霞客滇遊日記崇禎十一年十月十三日曰金
砂寺盤龍蓮峯所建也惟金沙始建於至大四年時蓮峯年僅
十三歲猶未祝髮也延祐四年丁巳以名勝號慈海者主其席
惟慈海何人不獲知至元戊寅安偕慈海謁普祥於圓照需文
按李元陽通志圓照寺在玉案山腹而元統三年妙湛寺碑亦
普祥撰署昆陽長松山普照寺沙門則普祥是時暫居圓照也

中慶路學禮樂記

雲南諸路儒學提舉何弘佐撰

滇爲西南重鎮控紘萬里方區宇未合我世皇駕卞飛仗天戈由吐蕃麗江入其境雲南三十七部及金齒交趾舉皆內屬至元甲戌命平章政事賽典赤建行省事於滇城以彈壓諸夷凡六詔之地盡爲郡縣至於海隅蒼生莫不梯航重譯來享來王於是建學立師隆廟貌之觀繪聖賢之像爲萬姓瞻依之所春秋釋典講禮肄樂以嚴報本追遠之義殆將化猩鳩爲麟鳳易氈毳爲衣冠世皇之心天地之心也世皇之仁天地之仁也自時厥後垂六十年吏治文化埒于中土嗚呼聖哉天曆初鎮兵扇諸蠻作亂典章文物掃蕩無遺學校禮樂其所存者幾希矣至元戊寅著作郎杜敏以亞中大夫來僉南憲事深懼學校廢弛禮樂不備慢神褻民不可以祭方與諸公求所以

安神綏民之道曰禮非玉帛俎豆也然舍玉帛俎豆無以觀禮焉樂
非鐘鼓笙鏞也然舍鐘鼓笙鏞無以觀樂焉其備諸事未具以邊庭
弗靖議遂寢庚辰秋加通議大夫左右司郎中迺刻意贊畫謀于平
章勝家奴參政沙的俾曲靖路教授劉黻昆明縣教諭王景賢乘驛
持鉶五千緡市禮樂器於江之南憲府又以衣服不備委中慶路學
錄潘允文亦持千緡計置於成都辛巳春憲副常泰始來蒞學與經
歷月倫赤不花知事董淵照磨李友諒同寅協恭氣類翕合皆以勉
勵作養爲先務其斯文復興之大機括歟弘佐適以提舉學校之命
至學正朱銓暨諸生請紀成事固辭不作而曰人心不同如其面然
禮樂刑政所以同民心而出治道是以古之聖人於謙制禮於豫作
樂於貴以明政於禮以制刑則禮樂者政刑之本政刑者禮樂之輔

故禮自外作而道充於內樂由中出而聲和於外政所以一不齊之行刑所以防不軌之姦民心同而治道一俾悖逆詐僞之心不萌淫慝乖亂之事不作則玉帛俎豆鐘鼓笙鏞於世未必無補也子貢曰見其禮而知其政聞其樂而知其德省憲諸公之德政可知矣旣以復諸生因書之俾鑱于石以爲獎勵

按碑記至元年號紀年至辛巳春而不言至正蓋是年改元滇以距大都遠猶未知之疑立碑當在至正元年春也碑曰著作郎杜敏謀於平章勝家奴參政沙的云云杜敏不知何許人勝家奴爲雲南行省平章政事亦僅見於此沙的疑納速刺丁子元史納速刺丁傳卷一
二五日子十二人沙的爲雲南行省左丞其餘此碑所記劉黻數人事跡亦未詳其云天曆初鎮兵扇諸蠻作